



INATSISARTUT

Isumaginninnermut Ilaqutariinnermut  
Inatsisinillu Atuutsitsinnermut Naalakkersuisoq  
[iana@nanaoq.gl](mailto:iana@nanaoq.gl)

Ulloq: 09-10-2020

J.nr.: 01.38.01.03-00130

### EM2020/187-mut tunngatillugu allakkatigut apeqquteqaat

Ilaqutariinnermut Peqqissutsimullu Ataatsimiititaliap immikkoortup 187-p ataatsimiititaliamit suliarineranut atatillugu Isumaginninnermut, Ilaqutariinnermut Inatsisinillu Atuutsitsinnermut Naalakkersuisoq allakkatsigut imaattumik apeqquteqarfigniarpaa.

- §9-mi, imm. 2 allanngortinneqarneranut atatillugu ima allassimasoqarpoq: "Inummut ataatsimut naleqqussakkamik piginnaangorsaqqinnissamik ingerlatsineq aqutugalugu sulisinnaassuseq massakuugallartoq ineriartortinneqarsinnaangitsoq kommunalbestyrelsip nalilerpagu, taava paasissutissat tigummineqareersut tunngavigalugit piginnaangorsaqqinnermik ingerlatsinerup kinguartinneqarnissaa aamma siusinaartumik pensionisiaqartitsinissaq pillugu kommunalbestyrelse aalajangiissaaq. Piginnaangorsaqqinnermik ingerlatsinissap kinguartinneqarnissaa pillugu aalajangiinerup kingorna, kingusinnerpaamik ukiup 1-p qaangiunnerani, kommunalbestyrelsip suliaq nalilersoqqissavaa".

Siunissami innuttaasut ilaat sulisinnaassusiat ineriartortinneqarnissaannut periarfissaqartoq innuttaasullu taakku piginnaangorsaqqinissaat kinguartikkallarneqarnissaanut periarfissaqartoq immikkoortup siullermeerneqarnerani Naalakkersuisut saqqummiussissumminni oqaatigaat.

Innuttaasut kikkut pineqarnersut itisiliiffiginissaa, innuttaasut sunik unammilligasaqarnersut pillugu naatsumik ilisimatitsisoqarnissaa aamma sulianik imaattunik Naalakkersuisut assersuuteqarsinnaanersut Ilaqutariinnermut Peqqissutsimullu Ataatsimiititaliamit kissaatigineqarpoq.

Inussiarnersumik inuulluaqqusillunga

Ilaqutariinnermut Peqqissutsimullu Ataatsimiititaliaq sinnerlugu

Siulittaasoq

Malene Vahl Rasmussen



## Ilaqutariinnermut Peqqissutsimullu Ataatsimiititaliaq

### EM2020/187 pillugu allakkatigut apeqqutinik akissuteqarneq

19-10-2020  
Suliaq nr. 2020 - 555  
All. id. 15084826

Matumuuna Ilaqutariinnermut Peqqissutsimullu Ataatsimiititaliaq siunnersuummi § 9, imm. 2-mi inuit pineqartut pillugit naatumik paasissutissiiffineqarnissamik kissaatigisaa akissuteqarfigineqarpoq.

Postboks 260  
3900 Nuuk  
Oqa. (+299) 34 50 00  
Nassitsigasaat(+299) 34 66 66  
E-mail: iian@nanoq.gl  
www.naalakkersuisut.gl

Siunnersuummi § 9, imm. 2-mi inuit pineqartut aamma atuuttumi § 9, imm. 1-imi pineqartut assigaat.

Inuit pineqartut tassaapput atonerluinermik, sivisuumik suliffeqarfeqarfimmiissimanginnermik, anigorsinnaangisamik anniaateqarnermik imaluunniit inuit allatigut suliffeqarfeqarfimmut aalajaatsumik attaveqarsinnaanginnermik peqquteqarlutik suliffeqarnissamut piareersimangitsut.

Inuit piffissaq ungasinnerusoq eqqarsaatigalugu sulisinnaanissamut piginnaaneqalersussat aalajangersakkami pineqarput. Assersuutigalugu siullermik inuk piffissaq eqqorlugu suliaartorsinnaanermut ikiorneqaruni, atonerluinermik qaangiiniarluni ikiorneqaruni imaluunniit peqqissutsini tigoqqikkuniuk il.il. Inuk assersuutigalugu atonerluinermik qaangiiguni suliffimmillu nakkutiginnissinnaalerluni, taava sulisinnaanera ineriartortinneqaratarsinnaavoq.

#### *Assersuut:*

*Qinnuteqartoq ataavartumik annikillimasumik sulisinnaassuseqarpoq ilutigalugulu atonerluisuavoq.*

*Qinnuteqartoq pitsaannerusumik sulisinnaassuseqarnissamik ineriartortitsinnaasutut nalilerneqarpoq, atonerluinera katsorsarneqarpat. Piffissaq naleqquttoq qaangiuppat qinnuteqartoq attavigineqassaaq, atonerluinera katsorsarneqareersutut nalilerneqarpat.*

*Taassuma kingorna piginnaangorsaaneq nanginneqassaaq.*

*Katsorsartinnerup nalaani siusinaartumik pensionisiaqarnissaq akuerisaavoq, piunasaqaatit sinneri eqqortinneqarmata.*

*Katsorsarneqarnerup naammassereernerata kingorna suliaq nalilersoqqinneqassaaq massakkullu sulisinnaassuseq aallaavigalugu siusinaartumik pensionisiaqarneq akuersissutigineqassaaq.*

Kommunit inunnik pinngitsaaliillutik kinguneqarparasinngitsumik  
piginnaanngorsaaqqinnissaat pinngitsoorniarlugu aalajangersagaq ilanngunneqarpoq.

Pisuni piginnaanngorsaaqqiineq kinguneqarsinnaanngitsutut nalilerneqartuni,  
qinnuteqartoq assersuutigalugu makissinnaanngornissaanut aalajaatsumillu  
sulisalernissaanut ikiuinissamik kommune taarsiullugu iliuuseqarnissanik  
aallartitsisariaqarpoq imaluunniit iliuuseqarnernik aallartitsilluni innuttaasullu  
atornerluineranit qaangiinissamut ikiuutaasinnaasunik katsorsaanermik  
neqerooruteqarluni.

Atornerluineranut peqqissarneqarnerup naammassereerneratigut erserpat sulisinnaaneq  
ima annertutigilersimasoq allaat siusinaartumik pensionisiaqalernissamut piumasaqaatit  
atorunnaartut, taava siusinaartumik pensionisiaqarnermut akuersissut  
unitsinneqassaaq, kisianni tamanna immikkut ittuulluinnartariaqarpoq, atornerluineq,  
eqiasunneq il.il. namminermikkut siusinaartumik pensionisiaqalernissamut  
tunngaviusutut isigineqanngimmata.

Inussiarnersumik inuulluaqqusillunga

  
Martha Abelsen